



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Epistola Caloiohannis Imperatoris Bulgarorum ad Papam.

urn:nbn:de:hbz:466:1-20006

ni Idibus Novembris, pontificatus no-
stri anno quinto.

*EPISTOLA CALOIOHANNIS
Imperatoris Bulgarorum ad Papam.*

*Epiſt. 113.
Reſpondet
epiſt. 266. lib.
2.
Vide geſta In-
nocentij III.
cap. 66.*

Venerabili & sanctissimo patri summo Pontifici ego Caloehannes Imperator Bulgarorum & Blacorum gaudium & salutem mando tibi. Notum facimus sanctitati vestræ quod nos recepimus vestras sacrosanctas litteras, quas nobis portavit religiosus Archypresbyter Brundusinus, & nos reputavimus eas caras super omne aurum & quemlibet lapidem pretiosum. Vnde multas egimus gratias omnipotenti Deo, qui visitavit nos servos suos indignos secundum suam ineffabilem bonitatem, & respxit humilitatem nostram, & reduxit nos ad memoriam sanguinis & patriæ nostræ, à qua descendimus. Et nunc, sancte Pater, tanquam bonus pastor & caput omnium fidelium Christianorum, filios sanctæ catholice & apostolice sedis congregare volens in unum, requisiſisti nos remotos secundum corpus. Et quamvis fratres mei bona memoriae jamdudum voluerint mittere sanctitati vestræ, non tamen ad vos pervenire propter multos nostros contrarios potuerunt, & nos similiter probantes semel, secundò, & tertio ad vos dirigere, deducere non potuimus quod optabamus in fructum. Et nunc videntes quod sanctitas vestræ dignata est mittere imperio nostro, tamquam proprij & dilectissimi filij, sicut amantissimo & desiderantissimo patri mittimus misericordia vestræ religiosum electum Brandizuberensem fidem Presbyterum Blasium unà cum fidelium nuntio vestro Archipresbytero Brundusino, referentes vobis ex parte nostra gratiarum actiones & amicitiam & servitium sicut patri spirituali & summo Pontifici. Sanctissime pater, significasti nobis per sacras litteras vestras quod nos significaremus vobis quid ab Ecclesia Romana petamus. Hoc autem petit imperium nostrum ab apostolica sede, ut nos simus in Ecclesia Romana sicut matris filialitate firmati. In primis petimus ab Ecclesia Romana matre nostra coronam & honorem tamquam dilectus filius, secundum quod Imperatores nostri veteres habuerunt. Unus fuit Petrus, alius fuit Samuel, & alij qui eos in imperio præcesserunt, sicut in libris nostris invenimus esse scriptum. Nunc autem, si placitum est sanctitati vestræ nobis istud implere, quidquid im-

perio nostro duxeris injungendum, illud ad honorem Dei & Ecclesiae Romanae complebitur. Nec miremini quod nuntius vester citò non rediit, quia nos suscipiati fuimus aliquid contra eum, quia multi venerunt in imperium nostrum nos decipere cogitantes; sed nos ab omnibus bene novimus præcavere. Sed nos pro eo testimonium recepimus Prætaxati, & ei acquiecamus. Verum si placet vobis, sanctissime pater, mittite nobis magnos nuntios de quibus nobis per vestras litteras intimasti, & istum destinare cum eis, & tunc certifocabimur de prima missione pariter & secunda. Det vobis Dominus multos annos.

*CALOIOHANNI DOMINO
Blacorum & Bulgarorum.*

Apostolica sedes, cui licet immeriti præsidemus, evangelici verbi memor quo beato Petro Apostolorum principi & cuiilibet successori ejus intelligit esse dictum, *Si diligis me, pascere oves meas*, ut puræ dilectionis affectum habere circa Dominum se ostendat, oves ejus pascere satagit & in unius Ecclesiae gremio remotas etiam congregare, ut sit unum ovile & unus pastor. Cum enim mater sit omnium generalis, ut circa filios matris exhibeat lenitatem, convocare ipsos & congregare conatur in unum, sicut gallina congregat pullos suos, & eos tum per Legatos tum per litteras suas visitat, ut & pastor suas oves agnoscat & cognoscant oves ovile pariter & pastorem. Hoc igitur attentes, jampridem nobilitatem tuam per nuntium & litteras nostras duximus visitandam, ut intellecto devotionis affectu quem habes ad Romanam Ecclesiam matrem tuam, maiores ad te nuntios postmodum mitteremus, qui tam te, qui ex nobili Romanorum prosapia diceris descendisse, quam degentem sub te populum verbo pascerent & exemplo, & de benivolentia & gratia sedis apostolice redderent certiorem. Et licet de nuntio nostro primum tua nobilitas dubitaverit, sciens quod angelus Sathanæ interdum in lucis angelum se transfigurat, intellecta tamen postmodum per nobilis viri Prætaxati testimonium veritatem, benignè ac honorificè ipsum recipere procurasti, sicut transmisse ad nos tuæ litteræ continebant. Rescripsisti autem nobis per eum & humiliter intimasti quod litteras nostras reputaveras pretiosas super omne aurum & quemlibet lapidem pretiosum, & Deo

*Epiſt. 116.
Reſpondet
epiſtola ſu-
prieriori.*